

四庫全書

子部

欽定四庫全書

子部

御定淵鑑類函卷二

詳校官宗人府府丞<sub>臣</sub>寶光鼎

主事<sub>臣</sub>祁韻士覆勘

欽定四庫全書

御定淵鑑類函卷一

天部一天

天一

原釋名曰天坦也坦然高而遠也 增又曰天顯也在  
上高顯也 原物理論曰水土之氣升而為天 增又  
曰天者旋也均也積陽純剛其體廻旋羣生之所大仰  
原廣雅曰太初氣之始也清濁未分太始形之始也

清者為精濁者為形太素質之始也已有素朴而未散

也二氣相接剖判分離輕清者為天河圖括地象云

易有太極是生兩儀兩儀未分其氣混沌清濁既分伏

者為天偃者為地廣雅云九天之際曰九垓

魚勤反垓也

九天之外次曰九陔

居陔反陔階也言其階次有九也

凡天去地二

億一萬六千七百八十一里半度地之厚與天高等天

南北相去二億三萬三千五十七里二十五步東西短

減四步纂要云東西南北曰四方四方之隅曰四維天

地四方曰六合天地曰二儀以人參之曰三才四方上

下謂之宇往古來今謂之宙或謂天地為宇宙凡天地

元氣之所生天謂之乾地謂之坤天圓而色玄地方而

色黃日月謂之兩曜五星謂之五緯

五星者東方歲南方熒惑西方太白

北方辰中央鎮日月星謂之三辰亦曰三光日月五星謂之

七曜五經通義云天神之大者曰昊天上帝

即曜魄寶也亦曰天

皇大帝亦曰太一其佐曰五帝

東方青帝靈威仰南方赤帝赤熛怒西方白帝白招拒北

方黑帝叶光紀中周易曰大哉乾元萬物資始乃統

央黃帝含樞紐

天雲行雨施品物流形大明終始六位時成時乘六龍

以御天乾道變化各正性命 增又曰天行健君子以

自強不息 又曰天道虧盈而益謙 又曰觀乎天文

以察時變 又曰天尊地卑乾坤定矣 又曰在天成

象 又曰天地之道貞觀者也 原又曰立天之道曰

陰與陽 增又曰乾為天 原尚書曰乃命羲和欽若

昊天 增又曰皇天無親惟德是輔 詩曰敬天之渝

無敢馳驅 又曰謂天蓋高不敢不跼 原禮記曰天

地之道博也厚也高也明也悠也久也日月星辰繫焉  
萬物覆焉 增又曰天則不言而信天無私覆是天道  
也無為而物成 又曰天秉陽垂日星 又曰天不愛  
其道故天降甘露 又曰天有四時春秋冬夏風雨霜  
露無非教也 又曰著不息者天也聖人作樂以應天  
又曰孟冬之月天氣上騰地氣下降 又曰清明象  
天 原論語曰天何言哉四時行焉百物生焉 爾雅  
曰穹蒼蒼天也春為蒼天夏為昊天秋為旻天冬為上

天 禮統曰天地者元氣之所生萬物之祖也 白虎

通曰天者何也天之為言鎮也居高理下為人鎮也男  
女總名為人天地所以無總名何天圓地方不相類也  
天左旋地右周猶君臣陰陽相對之義 春秋繁露曰

天有十端天地陰陽水土金木火人凡十端天亦有喜  
怒之氣哀樂之心與人相副以類合之天人一也 增

春秋說題辭曰天羣陽之精合為太乙分為殊名 原

春秋元命苞曰天不足西北陽極於九故天周九九八



十一萬里 增春秋感精符曰人主與日月同明四海

合信故父天母地兄日姊月

父天于園丘之禮也母地于方澤之祭也兄日于東

郊姊月于西郊也

春秋內事曰天有十二分以日月之所躔

也 原太玄經曰有九天一為中天二為羨天三為從

天四為更天五為晬天六為廓天七為咸天八為沈天

九為成天 又曰天以不見為元 增蔡邕月令章句

云天左旋出地上而西入地下而東繞北極七十度

許氏說文曰至高無上從一大也 尚書說曰天有五

號尊而君之則曰皇天元氣廣大則稱昊天仁覆愍下則稱旻天自天監下則稱上天據遠視之蒼蒼然則稱蒼天 尚書考靈曜云二十八宿之外各有一萬五千里是謂四遊之極謂之四表 周髀經曰天有四極四

和

子午卯酉得東西南北之中謂之四極四和

酉陽雜俎玉格云天圓十

二綱運關三百六十轉方為一周天運凡三千六百周

為陽字

戰國策云鄒衍大言天事號談天衍 前漢

書云高祖致天巫祠八州及中央 又云惟泰元尊

泰元

也天

又云天運三十歲一小變百年中變五百年大變

三大變一紀三紀而大備 史記云天者人之始也父

母者人之本也人窮則反本故勞苦倦極未嘗不呼天  
也疾病慘怛未嘗不呼父母也 漢書樂志云天門開

誅蕩蕩 晉書天文志云日景于地千里而差一寸景

尺有五寸者南戴日下萬五千里也以此推之日當去  
其下地八萬里矣日斜射陽城則天徑之半也體圓如  
彈丸地處天之半而陽城為中則日春秋冬夏昏明晝

夜去陽城皆等無盈縮矣故知從日斜射陽城為天徑之半也以句股法言之旁萬五千里句也立八極萬里股也從日斜射陽城弦也以句股求弦法入之得八萬一千三百九十四里三十步五尺三寸六分天徑之半而地上去天之數也 又云古言天者三家一蓋天二宣夜三渾天 老子曰域中有四大道大天大地大王亦大 原莊子曰天之蒼蒼其正色耶其遠而無所至極耶 申子曰天道無私是以恒正天道恒正是以清

明 文子曰高莫高於天下莫下於澤天高澤下聖人

法之 又曰天圓而無端故不能觀其形 增淮南子

曰排闥闔淪天門

注云闥闔始生天之門也天門上帝所居紫微宮門也

又曰

四時者天之吏也日月者天之使也星辰者天之期也

虹霓彗星者天之忌也 管子曰釜鼓滿則人概之人

滿則天概之 尸子曰天左舒而起牽牛 揚子曰昭

昭乎惟天為聰惟天為明夫能高其目而下其耳者匪

天也 管子曰天或維之莫之維天已墮矣況於人乎

原呂氏春秋曰天有九野何謂九野中央曰鈞天東

方曰蒼天東北曰變天北方曰玄天西北曰幽天西方

曰皓天

廣雅作  
成天

西南曰朱天南方曰炎天東南曰陽天

增又曰天如車輪終而復始極則復反 原張衡靈

憲曰太素之前幽清寂寞不可為象惟虛惟無蓋道之

根也道根既建由無生有太素始萌萌而示兆斯謂龐

洪蓋道之幹也道幹既育萬物成體於是剛柔始分清

濁異位天成於外而體陽故圓以動斯謂天元道之實

也天有元位 增又曰天有九位自地至天一億一萬

六千三百五十里懸天之晷薄地之儀皆千里而差一

寸 原渾天儀曰天如雞子天大地小天表裏有水地

各乘氣而立載水而浮二十八宿半隱半見天轉如車

轂之運 增賀道養渾天記曰昔記天體者有三渾儀

莫知其始書以齊七政蓋渾體也二曰宣夜夏殷法也

三曰周髀當周髀之所造非周家之術也近世復有四

術一曰方天興於王充二曰昕天起於姚信三曰穹天

由於虞喜皆以臆斷浮說不足觀也惟渾天之事徵驗不疑 原徐整三五歷紀曰天地混沌如雞子盤古生其中萬八千歲天地開闢陽清為天陰濁為地盤古在其中一日九變神於天聖於地天日高一丈地日厚一丈盤古日長一丈如此萬八千歲天數極高地數極深盤古極長後乃有三皇數起於一立於三成於五盛於七處於九故天去地九萬里 黃帝素問曰積陽為天故天者清陽也 增又曰天體如車有蓋日月懸著何



可上哉 原楚辭天問曰圜則九重孰營度之八柱何

當東南何虧

言天有八山為柱皆何當值東南不足誰虧缺之

日月安屬列星

安陳

增揚子法言曰或問雕刻衆形者匪天歟以其

不雕刻也如物物刻而雕之焉得力而給諸 論衡曰

天門在西北又日月五行隨天而西移行遲於天耳

又曰天行六十五度凡積十三萬里也其行甚疾無以

為驗儻與陶鈞之運弩矢之流相類乎 董仲舒曰天

者羣物之祖也故徧覆包涵而無所殊建日月風雨以

和之經陰陽寒暑以成之

韓子原道篇曰坐井而觀

天曰天小者非天小也

柳宗元天說云上而玄者世

謂之天 劉禹錫天論云天之道在生植其用在強弱

天二

原說苑曰齊桓公問管仲王者何所貴對曰貴天桓公  
仰觀天管仲曰所謂之天者非謂蒼蒼莽莽之天也君  
人者以百姓為天 增史記趙簡子疾五日不知人居  
二日半寤語大夫曰我之帝所甚樂與百神遊於鈞天

廣樂九奏萬舞不類三代之樂其聲動人心扁鵲告董  
安于曰昔秦穆公常如此七日而寤告公孫枝與子輿  
曰我之帝所甚樂所以久者適有學也 原列子曰杞  
國人有憂天崩墜身無所寄廢于寢食又有憂彼之憂  
者曉之曰天積氣耳無處無氣奈何而崩墜乎其人曰  
天果積氣日月星宿不當墜也曉之者曰日月星宿亦  
積氣中之有光曜者正復使墜亦不能有中傷 增後  
漢書曰和熹鄧皇后常夢捫天天體蕩蕩正青滑如磬

礪有若鍾乳狀乃仰嗽飲之以訊占夢言堯夢扳天而  
上湯夢及天而舐之此皆聖王之前占吉不可言也

原蜀志曰吳使張溫來聘溫問秦密

一作密

曰天有頭乎

密曰有之溫曰在何方密曰詩云乃眷西顧以此推之  
頭在西方溫曰天有耳乎密曰天處高而聽卑詩曰鶴  
鳴九臯聲聞于天若其無耳何以聽之溫曰天有足乎  
密曰詩云天步艱難若其無足何以步之溫曰天有姓  
乎密曰姓劉何以知之曰其子姓劉以此知之 增晉

書載記北燕主馮跋常夜見天門開神光赫然燭於庭  
內 異苑曰陶侃夢飛翔冲天門九重已入其八餘  
一門不得進以翼搏天一翅致折驚而墜下后果都督  
八州欲有闕擬之志每憶折翅之祥抑心而止 齊書  
曰王摛史學博聞永明中天忽黃色照地衆莫解摛曰  
是榮光世祖大悅用為永陽郡守 北齊書曰文宣帝  
高洋從世宗行過遼陽山獨見天門開餘人無見者  
陳書曰高祖夢天開數丈有一人朱衣捧日令帝張口

納之及覺猶熱後二百日為帝 南史曰宋薛安都初  
征關陝至白口夢仰視天見天門開謂左右曰汝等見  
天門開不至孝武伐逆踐祚歎曰夢天門開乃中興之  
象耶 周世宗觀泗州大水記以問竇儼儼對曰天地  
五德潤暎生成動 倦游錄曰韓琦知秦州卧疾數日  
忽曰適夢以手捧天者再其後援英宗於藩邸翼神宗  
於東宮 曲洎舊聞曰龐籍帥延安日冬至中夜恍惚  
間見天象成文云龐籍後十年作相當以仁佐天下駐

視久之方滅後十年果為相 葆光錄羊襲吉少見天  
開其內雲霞瀕洞樓閣參差光明下照山岳逡巡乃閉  
王文正遺事云旦初見天門開中有已姓名

天三

原轉蓋

倚杵

桓譚新論曰天以為蓋轉左旋日月星辰隨而東西河圖挺佐輔曰百世之

後地高天下不風不雨不寒不暑民復食土皆知其母不知其父如此千歲之後而天可倚杵洵洵莫知終始

覆盆

轉轂

王充論衡曰天平正與地無異若盆覆之狀下詳天一

象蓋

如笠

劉氏正歷問曰顓頊造渾天儀黃帝為蓋天以天象蓋虞曷穹天論曰天形穹窿如笠以冒地之

表

玉儀

銅渾

尚書考靈曜曰觀玉儀之旋昏明主時鄭注曰以玉為渾儀故曰玉儀

也名臣奏曰今史官所用候臺銅儀則渾天法也迷征記長安南有靈臺上有銅渾天儀

設位

垂象

易曰天地設位而易行乎其中矣又曰天垂象見吉凶聖人象之

高明

貞

觀

上詳天一觀者也

三體

六氣

蔡邕天文志曰言天體者三一

曰周髀二曰宣夜三曰渾天左傳曰天有六氣以降生五味杜預注曰六氣者陰陽風雨晦明四

極

九野

淮南子曰昔者女媧氏煉五色石以補蒼天斷鼇足以立四極按高誘注曰鼇大龜也天

廢傾以鼇足柱之下詳天一

九重

八柱

上詳天一

折柱

絕

維列子曰共工氏與顓頊爭為帝怒觸不周山折天柱絕地維故天傾西北日月星辰就焉地缺東南百川



水潦歸焉

宋玉大言賦曰壯士歔兮絕天維北斗戾兮太山夷

雨粟

降秬

周書曰神

農之時天雨粟農耕而種之

孫氏瑞應圖曰舜時后稷播植天降秬秠故詩曰天降嘉種維秬維秠

降麩

下穀

漢書曰來麩麥也始自天降以和致和獲天助也孔叢子曰魏王問子順曰寡人

聞昔者上天神異后稷而為之下嘉穀周遂以興

杞國憂

秦宓答

並詳天二

命虞

啓魏

史記曰叔虞母夢天謂武王曰余命汝生子名虞余與之虞及生子有文在手曰虞

遂因命之

左傳晉侯賜畢萬魏卜偃曰畢萬之後必大萬盈數也魏大名也以是始賞天啓之矣

授

楚

錫秦

左傳曰公孫歸父會楚子于宋宋人告急于晉晉侯欲救之伯宗曰不可天方授楚未可

與爭雖晉之強能違天乎

張衡西京賦曰昔者大帝說秦穆而覲之饗以鈞天廣樂帝有醉焉乃為金冊錫

用此土而翦諸鵲首

油雲

膏雨

孟子曰天油然作雲霈然下雨左傳曰小國之仰大國

也如百穀之仰膏雨

榆星

桂月

古樂府詩曰天上何所有歷歷種白榆虞喜安天論曰

俗傳月中仙人桂樹今視其初生見仙人之足漸已成形桂樹後生

璧月

珠露

尚書中候

曰天地開闢甲子冬至日月若懸壁五星若編珠李顯感興賦曰風觸波而文結兮露霑丹而珠凝

紫

電

文虹

曹毗霖雨詩曰洪霖彌旬日翳翳四區昏紫電光飛牖迅雷終天奔傅玄陽春賦曰習

習谷風洋洋綠泉丹霞布景文虹竟天

繒雲

絲雨

易通卦驗曰立秋濁陰雲出如赤繒

張協詩曰金風扇景節丹霞啓陰期騰雲似漏網密雨如散絲

風馬

雲車

仲長統詩

曰春雲為馬秋風為駟按之不遲勞之不疾魏武帝古樂府詩曰願得神之人乘駕雲車驂白鹿上到天之

門來賜  
神之藥

錦雲

穀霧成公綏雲賦曰或繡文錦章依  
微要妙宋玉神女賦曰動霧

穀以徐步拂  
珮聲之珊珊

文露

光風

春秋佐助期曰武露布文  
露沈宋均注曰甘露見其

國布散者人尚武文采者則甘露凝重  
轉蕙汎崇蘭王逸注曰謂雨已出日而風草木有光也

祥風

甘雨

尚書大傳曰德及皇天則祥風起  
括地圖曰谷山有叢雲甘雨

翠

雲

紫蛭

馮衍顯志賦曰駟素虬而馳騁兮垂翠雲而  
相羊揚雄太玄經曰紫蛭圍日其疾不割

姮娥月

少女風

淮南子曰羿請不死之藥於西王  
母羿妻姮娥竊之奔月託身於月

是為蟾蜍而為月精  
管公明別傳曰公明在清河于  
時大旱問何時當雨言今夜當大雨至日向暮了無雲

氣衆人並謹嗤公明言樹上已有少女微風樹間  
陰鳥和鳴若少女反風陰鳥亂翔其應至矣須臾玄雲

四集大雨注傾

白鵠雲

黃雀風

易通卦驗曰春分正陽雲出張如白鵠周處風土

記曰五月風發六月乃止俗號黃雀風是時海魚變為黃雀因以名之

設位

張弓

易天

地設位天道其猶張弓乎

戴盆

窺牖

馬遷傳戴盆何以望天不窺牖見天道

得一

生三

老子天得一以清一生二二生三三生四也

開雲霧

行日月

衛瓘每見樂彥輔曰每見此人瑩然若開雲霧而覩青天蔡邕上書云渾天立八尺圓體具

天地之形以正黃道以行日月以步五緯其精微深妙百代不易

增碧落

青冥

唐詩

碧落三乾外碧落紫落皆天也

楚

紫落

見蒼垠謂天

畔也陸士衡七命云軌出蒼垠

白瑤宮

黃金城

上詳天二詩話云宋待制王素夢

至玉京黃闕有紺服翠冠者曰吾乃東門侍郎公乃西門侍郎昔以奏牘誤謫墮人世晚歲思玉京之夢詩曰碧玉中藏白玉京夢魂飛入黃金城何時再步青霞外皓齒青瞳已許成

紅雲居

白玉

樓翼經傳云玉帝所居常有紅雲護之雖真仙亦不得見其面

十端

五號

並詳天一

八紀

七襄

天有八紀謂以八為變化之紀也又有七紀蓋二十八宿為四七故

曰七紀又日月為二紀亦曰二離詩小雅終日七襄注云襄駕也謂更其肆也天有十二次日月所止舍所謂肆也經星一晝夜左旋一周而有餘則終日之間自卯至酉當更七次故曰七襄

蒼莽

溟

滓

上詳天二帝譜系曰天地初起溟滓鴻濛

依形

助順

郤康節曰天何依依于形

之所助者順也

鄒衍談

屈原問

上詳天一問者原所作也原放

逐傍皇山澤見楚有先王之廟及公卿祠堂畫天地山川神靈琦瑋倜儻及古賢聖怪物行事因書于壁向而問之以泄憤懣也

女媧補

南正司

上詳天三史記顓頊高陽氏命南正重司天

以屬神北正黎司地以屬民

銅柱

金階

東方朔神異經云崑崙有銅柱焉其高入天謂

之天柱又云東北大荒中有金闕高千丈上有明月珠徑三丈光照千里中有金階兩闕名天門

陶

侃翼飛

韓琦手捧

並詳天二

圜則九重

面方一尺

上詳天一晉書咸康中有士人周謂者死而復生言天帝召見引升殿仰視帝面方一尺

怒敗

龍淵

醉錫金策

後漢許揚傳汝南舊有鵠卻陂成帝時翟方進奏毀敗之成帝夢自上天

天帝怒曰何故敗我濯龍淵

白玉京

黃金地

韻府天上白玉京十二樓

五城 佛經云善法堂在歡喜園天帝都會天王之  
正殿也其堂七寶所作四壁皆白銀以黃金為地

近南近北

為德為刑

姚信 昕天論 冬至極低天運近南故日去人遠斗去人近北天

氣至故冰寒也夏至極起天運近北故斗去人遠日去  
人近南天氣至故蒸熱也極之高時日所行地中淺故  
夜短天去地高故晝長極之低時日所行地中深故夜  
長天去地下故晝短 淮南子曰天圓地方道在中央  
日為德月為刑月歸而萬物死日至而萬物生注云月  
歸謂十二月盡也日至謂得春夏之日至則生長之機  
也 遂 萬物根源 一中造化 朱晦翁詩氣體蒼蒼故曰天其中有理是為乾渾然

氣理流行際萬物同根此一源 邵堯夫  
詩天向一中分造化人從心上起經綸

天四

原在上高顯

詳天一

至高無上

說文云天顛也至高無上

輕清為天

易乾鑿度云輕清者上為天重濁者下為地

陽清為天

說文曰萬物既分陽清為天

秉

陽詳天一

包地

蔡邕月令章句云天有純陽積剛運轉無窮其體運行包地之外

左旋

詳天一

下濟

周易曰天道下濟而光明地道卑而上行案濟傳作際言氣下交

乾統韓康

伯周易繫辭注云乾統天首物為變化之元

日浮

宣夜學云天無質日月衆星自然浮生虛空之中

運上

姚信昕天論云今昕天之說地形立于下天象運于上

周下

太玄經云天穹窿而周乎

下地旁薄而向乎上人昏昏而處乎中天渾而攢故其運不已地隕而靜故其生不遲人馴乎天地故其施行

窮不

彈丸

王蕃渾天說云天圓如彈丸故曰渾天言其形渾渾如也

鳥卵

又云舊說天地之體



狀如鳥卵天包地外猶殼之裏黃

為鑪賈誼鵬鳥賦云天地為鑪兮造化為工陰陽為炭兮萬物

為依蓋

姚信昕天論云然則天行寒依于渾天夏依于蓋天

圓蓋

宋玉大言賦云方地為車

圓天欹蓋

天文錄曰天如欹車蓋南高北下

管窺

東方朔傳云以管窺天

劍倚

宋玉大言賦云長

衢亨

易云何天之衢亨案衢四達道也上九處大畜之極畜極

劍耿介倚天外

衢亨

易云何天之衢亨案衢四達道也上九處大畜之極畜極

則通大畜以至于大亨之時何辭也猶云何畜乃天之亨衢也

宇駭

魏都賦云天

無

質

抱朴云宣夜說天了無質仰而瞻之高遠無極蒼蒼然也譬遠望黃山皆青俯察千仞之谷而黝黑

同

規

王蕃渾天說云周天三百六十五度五百八十九分度之百四十五東南西北展轉同規半覆地上半在

地

七衡

孝經援神契云天有七衡六間夫天有七衡而云間者從內衡以至中衡中衡以至外衡

相去各十一萬九千里 **九門** 本草經云太一子曰天有九門中道最長日月由此行之名曰國也

**順動** 易云天地以順動故日月知又云乾以易知坤以

不為而善始不勞 **親善** 太公六韜云天道無親常與善人 **益謙** 詳天一

**觀文** 又云觀乎天 **觀道** 又云觀天之神 **積氣成** 列

曰虹蜺也雲霧也風雨也四 **乾德象** 周易云夫乾其靜

時也此積氣之成乎天者也 **知大始** 繫辭曰乾知大始坤

注云專專一也直剛正 **知大始** 繫辭曰乾知大始坤

也此明乾統德象天也 **知大始** 繫辭曰乾知大始坤

為造物 **鬱化精** 太玄經曰天與西北鬱化 **雕衆形** 揚

始也 **雕衆形** 揚

法言或問雕刻衆形者匪天與以其不雕 **覆萬物** 又云

刻也如物物刻而雕之焉得力而給諸 **覆萬物** 又云

天精

天粹萬物作類注天以精粹覆萬物各率其類

高無窮

為天高無窮地深不

測

遠不極

正厯云天

禮蒼壁

周禮大宗伯以蒼壁禮天注曰此禮天以冬至

謂天皇大帝在北極也

仰青帶

張衡敘行賦曰山崢嶸以嶮狹仰青天其如帶

羣生仰

物理論云天

百物生

詳天一

險不可升

周易云天險不可升也案注云

坎以險為象故不

仰無不在

太玄經曰天蒼蒼然東南西北仰而無不在焉及其

俛則不見也

南陽北陰

物理論云自極以北天之陰

中高四下

周髀曰天圓地方豈以寫天

元氣闔

陽河圖叶光篇云

元氣浩大

物理論云元氣浩大則稱浩天

有十二

分次

春秋內事云天有十包二十八舍

王蕃渾天說云天包地外半覆

地上半繞地下二

恒象

天事恒象剛德天為

上浮

為天

降

天氣下降

高遠

窮極高遠

清明

天象

無端

文子曰天圓而不無端故不可觀

息

無私不息者天

玄闕

天門也

玉臺

漢雋云天帝所居也

千時

天猶垂

象

成大

今夫天昭昭之多注云昭昭小明也本生小而成大為大唯天

彼蒼

者顯穹

紛紜

父天

王者父天母地

敬天

詩敬天之威又敬天之怒

馮相辨

事

周禮馮相氏辨其敘事以會天位

渾天得精

晉書古今言天有三家一蓋天二宣夜三渾天

宣夜之學絕無師法周髀術數多所違失周髀即蓋天說也唯渾天近得其精今候臺銅儀即其法也

裨竈焉知

傳裨竈焉知天道

仲任以駁

王仲任據蓋天之說以駁渾儀桓君山謂仲任

之徒曰吾待奏報曝背西廊下頃之日光出去是應渾天也

天以持滿

范蠡曰天以持滿言

天道盈而不溢

天不中規

文子曰至大者無形故天圓不中規

天居如倚蓋

周髀

術即蓋天蓋天說天圓如張蓋地方如棊局天旁轉如推磨石而左行日月右行而隨天左轉譬如蟻行磨上

天之居如倚蓋矣故極在西北是其效驗

星集如合符

張平子作渾天儀璇璣所加其星集皆如

合符增天路枚乘樂府曰美人雲端天路隔無期

天門

真臘抵占城旁有西棚國望見

天有一竅極明土人稱天門一曰天際國古云女媧氏之所不至也

靜專

動直

易辭

天步

詩天步艱難

天命

有德

天章

倬彼雲漢為章于天

無言

劉洎云天以無言為

尊

靈心

楊炯曰靈心不測神理難筌

剋氣

道家言近天有剋氣

正色

詳天一

靈氣

天也

參寥

無名之始

兜率

白居易詩歸則須歸兜率天

蒼昊

古詩吾將

問蒼昊

紫旻

文選云駕鴻凌紫旻

坐井

觀天

守甕

山谷詩云醢雞守甕天

素

月流

謝莊賦素月流天

彩虹架

李詩安得五彩虹架天作長橋

諸天

禪林寶鑑云三

十六天之謂

六天

諸史云昊天上帝天皇大帝北辰耀魄寶及太微五帝是為六天

九天

謂天

有九重亦曰九靈

天浮

藝文云喻天子施恩之盛

蔚藍天

杜登云金華山上有蔚藍天

色界天

佛經色界有十八天

泰元

天也

撐犁

雜記塞外稱撐犁孤塗單于其國謂天為

撐犁子為孤塗

文虹竟天

傅玄陽春賦曰丹霞布景文虹竟天

白雲帝鄉

虛無之上

已乘彼白雲至於帝鄉又曰天下無道則厭俗上仙乘彼白雲至於帝鄉莊子

原訢合 覆

燾 上元 太清 覆物無私 臨下有赫 無聲無

臭 或煦或吹 其高必跼 厥類惟章 浩浩元氣

蒼蒼正色 得一以清 吹萬以生 氣如橐籥

物為芻狗 蒼蒼者天 恢恢其網 既升階而莫致

豈管測而可窺 增羣物之祖 羣陽之精 無為

而成 不言而信 昭昭之多 蕩蕩無名 布元氣

於浩蕩 運太虛於寥廓

天五

原詩晉傅玄兩儀詩曰兩儀始分元氣上清列宿垂象  
六位時成日月西邁流景東征悠悠萬物殊品齊名聖  
人憂世實念羣生 又天行篇曰天行一何健日月無  
高蹤百川赴陽谷三辰回泰蒙 又歌曰天時泰兮昭  
以陽清風起兮景雲翔仰觀兮辰象日月兮運周俯視  
兮河海百川兮東流

原賦晉成公綏天地賦曰天地至神難以一言定其稱



故體而言之則曰兩儀假而言之則曰乾坤氣而言之  
則曰陰陽性而言之則曰剛柔色而言之則曰玄黃名  
而言之則曰天地若乃懸象成文列宿有章三辰燭曜  
五緯重光衆星迴而環極招搖運而指方白虎峙踞於  
參昴青龍垂尾於氐房玄武匿首於女虛朱雀奮翼於  
星張帝皇正坐於紫宮輔臣列位於文昌垣屏絡繹而  
珠連三台差池而雁行軒轅華布而曲列攝提鼎峙而  
相望增唐劉允濟天賦曰混成發粹大道含元興於

物祖首自胚渾分泰階而立極光耀魄以司尊懸兩明而必照列五緯而無言驅馭陰陽裁成風雨錯落九垓岌蹇八柱燦黃道而開域闢紫宮而為宇斗橫樞以旋運廓星漢之昭回察文明而降祥瑞觀草昧而動雲雷託璇樞之妙術應玉管之浮灰柔克斯高聽卑愈廣燾千容包含萬象載光道德聿符刑賞既霆震而霜威亦春生而夏長大哉其施曠乎其仁周八紘而化育籠四海而陶鈞非測管以能喻豈戴盆之可識欣大賚於

天成激長歌於帝力

又天賦

闕撰人姓名

曰彼蒼者天成

形物先初鴻蒙以質判漸輕清而體圓生五材以亭毒  
運六氣以陶甄故使晦明相繼寒暑遞遷觀其潛化不  
言惟德是輔列九野而為號峙八山而為柱其為道也  
或比之以張弓其入夢也或方之於漱乳憫鄔衍則嚴  
霜下降應陳寔則繁星夜聚孔階遠而難登樂霧披而  
已覩雖覆繖之可媿豈鍊石之能補日朝上而疑壁河  
夜橫而如帶破鏡飛乎其所長劒倚乎其外違之則風

雨差錯順之則陰陽交泰况乎觀文察變害盈尚默則大著美於唐君慮崩見譏於杞國徒瞻蕩蕩之體孰辨蒼蒼之色在玉衡以齊政任銅史以司刻又天行健

賦

闕撰人姓名

曰原夫天者歷土圭以窮妙因渾儀而探理

左出右沒不行則何以變三辰之度上騰下降不動則何以為萬物之始履柔兮居常配坤兮秉陽筮也誰覆弓也誰張四德雖具未足以擬議十翼雖廣未足以披攘縣縣若存戶樞不蠹較之則井火易滅當之則金柅

難固

鍊石補天賦

闕撰人姓名

曰乾道甚明配彼清真類

鼓鑄而可致冀穹玄而是營石不能言默助無為之化  
天將假手潛因妙用而成則知媧氏之為功也眇悠遠  
而求則象規圓而作程小大寧遺俾隨形以溥博嵯峨  
不墜皆投質於輕清若乃天象又玄石質既堅究勤勞  
而日月逝矣成廣大而星辰繫焉暖積素之煙尚疑苔  
點降如絲之雨終若溜穿觀夫圓則九重功惟百煉眷  
無親而克敬當有道而可見言柔與剛崇高是將運有

徒於晝夜比為炭於陰陽織女停梭受支機於河漢荆  
人抱璞嗟韞玉於穹蒼 張仲素管中窺天賦曰管為  
物兮虛受天為體兮據安能因徑寸之內將窮轉轂之  
端用當其無蒼蒼之色何盡微而不大恢恢之狀則難  
於是正瞻視品清澄察九垓之際極一目之能髣髴其  
形難識翼摩之鵠依稀其狀猶如背負之鵬遙睇罔憊  
審窺不忒虛其內雖高明之可分小其形胡廣大之能  
測故使蓋影多掩笠形半匿月既滿而猶虧日將終而

如是掌握之內安得容其九重咫尺之中豈能盡其五色

原贊晉郭璞釋天地圖贊曰祭地賜瘞郊天致禋氣升  
太一精淪九泉至敬不文明德惟鮮 宋何承天天贊  
曰軒轅改物以經天人容成造厯大撓創辰龍集有次  
星紀乃分

原表宋顏延之請立渾天儀表曰張衡創物蔡邕造論  
戎夏相襲世重其術臣昔奉使入關值大軍旋旆渾儀

在路肆觀奇秘絕代異寶旋及王府考諸前志誠應夙  
聞尚書璇璣玉衡以齊七政崔瑗所謂數術窮天地制  
作倂造化經志所云圖憲所本故體度不渝精測尚矣  
則七晷運變無匪康時九代貞觀不絕司厯臣夙懷末  
意懼於非任今忝惟職統敢昧死以聞

增論唐盧綽箴天論曰虧盈益謙天之道也禍淫福善  
天之察也春榮秋落天之時也晝明夜晦天之運也擊  
電鼓雷天之怒也蒸雲施雨天之澤也因斯以言則庶



類萬物非天無以成受形育氣非天無以立大哉博哉  
乾之化也

御定淵鑑類函卷一

欽定四庫全書

御定淵鑑類函卷二

天部二

日

日一

災蝕附

原周易曰日月麗乎天 又曰離為日 又曰日中則  
昃月盈則食天地盈虛與時消息而況於人乎況於鬼  
神乎 增又曰日是之離不鼓缶而歌 又曰陰陽之  
義配日月 又曰懸象著明莫大乎日月 又曰日月

運行一寒一暑 又曰日月之道貞明者也 又曰日

月得天而能久照 又曰日往則月來月往則日來日

月相推而明生焉 又曰日以暄之 原毛詩曰日居

月諸胡迭而微 增又曰其雨其雨杲杲出日 又曰

嗃嗃鳴鴈旭日始旦 又曰出自東方照臨下土 又

曰春日遲遲 書曰寅賓出日平秩東作日中星鳥以

殷仲春 又曰寅饑納日平秩西成 原禮記曰天子

黑冕玄端而朝日於東門之外 增又曰二月中和祀

朝日於東郊 又曰天無二日土無二王 又曰季冬  
是月也日窮於次月窮於紀 又曰五月中氣是月也  
日長至十一月日短至 又曰大司徒以土圭之法測  
土深正日景以求地中日南則景短多暑日北則景  
長多寒 原左傳曰趙衰冬日之日也趙盾夏日之日  
也 增又曰夏日可畏冬日可愛 原說文曰日者實  
也太陽之精字從○一象形也又君象也 增又曰日  
徑四百里週千二百里至地高二萬五千里循黃道而

行形如丸懸空運轉本不附著於天 原爾雅曰觚竹

北戶西王母日下謂之四荒距齊州以南戴日為丹穴

東至日所出為泰平西至日所入為泰蒙 家語曰楚

王渡江得萍實大如拳赤如日 廣雅曰日名朱明一

名耀靈一名東君一名大明亦名陽鳥 又曰初出為

旭日昕曰晞

大明曰昕詩曰匪陽不晞  
晞乾也言日所乾濕物也

日溫曰煦日在

午曰亭午在未曰昃日晚曰盱日將落曰薄暮日西落

光反照於東謂之反景在上曰反景在下曰倒景煦日

溫也暘日晝也暉日光也盱日晚也翌日明也曉日白也 又曰日御曰羲和 增又曰日一名朱光 原易

坤靈圖曰至德之萌日月若連璧 京房易傳曰日月

大光天下和平上下俱昌延年益壽長世無極 增又

曰日月如彈丸照處則明不照處則闇 易傳曰聖王

在上則日光明而五色備 易參同契曰日為流珠青

龍之俱 原春秋內事曰日者陽德之母 增春秋感

精符曰人主兄日姊月 春秋內事曰陽燧見日則然

而為火 春秋元命苞曰日左旋周天二十三萬里

原禮斗威儀曰政理太平則時日五色 增又曰政頌

平則日黃中而赤暈政和平則日黃中而黑暈政象平

則日黃中而白暈政升平則日黃中而青暈 禮統曰

日者實也形體光實人君之象 周禮春官曰眡祲氏

掌十輝之法以觀妖祥辨吉凶一曰祲謂陰陽五色之

氣祲淫相侵或曰抱珥背璫之屬如虹而短是也二曰

象如雲氣成形象雲如赤烏夾日以飛之類是也三曰



鐫日旁氣刺日形如童子所佩之鐫也四曰監謂雲氣  
臨在日上也五曰闇謂日月蝕或日光暗也六曰曹謂  
曹曹不光明也七曰彌謂白虹彌天而貫日也八曰敘  
謂氣若山而在日上或曰冠珥背璫重疊次序在於日  
旁也九曰隤謂暈氣也或曰虹也詩所謂朝隤于西者  
也十曰想謂氣五色有形想也青饑赤兵白喪黑憂黃  
熟或曰想思也赤氣為人獸之形可思而知其吉凶  
尚書考靈曜曰日合天統 又曰仲春仲秋日出於卯

入於酉仲夏日出於寅入於戌仲冬日出於辰入於申  
又曰日光照四十萬六千里 又曰日出於列宿之  
外萬有餘里 孝經援神契曰天地至貴精不兩明天  
精為日地精為月 又曰日中則光溢 又曰日神五  
色明照四方 又曰七政度日月明 原瑞應圖曰日  
月揚光者人君之象也君不假臣下之權則日月揚光  
五經通義曰日中有三足鳥 增又曰日在牽牛則  
寒在東井則暑牽牛水宿宿外遠人故寒東井火宿宿

內近人故暑 原白虎通曰日行遲月行疾者君舒臣  
勞也日月所以懸著何助天行化昭明下地也日月徑  
千里 增又曰日行一度月行十三度十九分度之七  
太玄經曰日一北而萬物生日一南而萬物死 又

曰日動而東天動而西天日錯行陰陽更巡 原漢書

曰文帝時新垣平言臣候日再中居頃之日却復中乃  
更以十七年為元年 增又曰日有中道中道者黃道  
也 後漢書曰青白黑赤各一道其交必於黃道故為

九道春東從青道夏南從赤道秋西從白道冬北從黑道 又云陰陽往來馴積而變日南至其行最急急而

漸損以至春分及中而後遲迨日北至其行最舒舒而漸益以至秋分及中而益急 晉書曰日去地常八萬

里 原淮南子曰日出於暘谷浴於咸池拂於扶桑是

謂晨明登於扶桑之上爰始將行是謂朏

斐

明

朏明將行也

至於曲阿

曲阿山名

是謂朝明臨於曾泉

曾重也早食時在東方多水之地故

曰曾是謂早食次於桑野是謂晏食臻於衡陽是謂禺

中對於昆吾

昆吾丘在南方

是謂正中靡於鳥次

鳥次西南方之山名

是

謂小遷至於悲谷

悲谷西南方之大壑

是謂晡時迴於女紀

女紀西方

陰是謂大遷經於泉隅是謂高春

言尚未冥上蒙先春曰高春

頓於

連爛

石是謂下春

連石西北山名言將欲冥下蒙悉春故曰下春

爰止羲和爰

息六螭是謂懸車

日乘車駕以六龍羲和御之日至此而薄於虞泉羲和至此而迴六螭

薄於虞泉是謂黃昏淪於蒙谷是謂定昏日入崦嵫

茲

音茲亦曰落棠山

經於細柳入虞淵之池曙於蒙谷之浦

蒙谷濛記

水之曰西垂景在樹端謂之桑榆

言其光在桑榆樹上

又曰積陽

之熱氣生火火氣之精者為日

又曰日中有跋烏

跋趾

也謂三足鳥也

增又曰都廣衆帝所自上下日中無景蓋天

之中

高誘曰都廣南方山名日中時直無晷故曰地中今河南陽城縣有影臺

又曰若木

在建木西未有十日其華照地

高誘注曰末端也若木端有十日狀如連珠華

光照其下地

又曰日者陽之主是以春夏則羣獸除角

莊子曰日出東方入於西極有目有趾者待是而成功

又曰日積氣之中有光耀者 文中子曰日出於地萬

物蕃息 尸子曰少昊金天氏邑於窮桑日五色互照

窮桑 又曰日五色陽之精象君德也五色照君乘乘

土而三 又曰聖人以日光盈尺光滿天下聖人居室

而所燭彌綸六合 又曰聖人身猶日也夫日圓尺光

盈天地聖人之身小其所燭遠矣 符子曰盛魄重輪

六合俱照非日月能乎 范子曰日者寸也寸者制萬

物陰陽之長短也 又曰日者火精也火者外景主晝

居晝而為明處照而有光 又曰日者行天日一度終

而復始如環無端 原賈誼書曰湯曰學聖人之道譬

其如日靜居而獨思譬其若火夫人舍學聖人之道而  
靜居獨思譬其去日之明於庭而就火之光於室也然  
可以小見不可以大知 增又曰周文王問鬻子曰敢  
問君子將入其職則於其民何如對曰君子將入其職  
則於其民也旭旭然如日之始出也既入其職則於其  
民曠曠音漢然如日之正中也既去其職則於其民暗暗  
然如日之已入也故君子將入而旭旭者義先聞也既  
入而曠曠者民保其福也既去而暗暗者民失其教也



文王曰受命矣 原論衡曰儒者論日旦出扶桑暮入  
細柳扶桑東方之地細柳西方之地 增又曰日不入  
地也譬人把火夜行平地去人十里火光藏矣非滅也  
原應劭漢官儀曰泰山東南名曰日觀日觀者雞鳴  
時見日始出長三丈 增帝王世紀曰灰野之山有樹  
青葉赤華名曰若木日所入處正崑崙西鳥鼠山西南  
曰崦嵫 又云大荒之中暘谷上有扶桑九日居下枝  
一日居上枝皆載鳥 原皇甫謐長厯曰日者衆陽之

宗陽精外發故日以晝明名曰曜靈 增徐增長厯曰

衆陽之精上合為日徑千里周圍三千里下於天七千

里 原山海經曰猗天山蘇門山日月所出 增又曰

鍾山之神名曰燭陰視為晝瞑為夜吹為冬呼為夏又

名燭龍 又曰天不足西北無陰陽消息故有龍銜火

精以照天門 又云長留之山其神白帝少昊居之是

神主司反景

日西入則  
景反東照

又云明星山日月所出 原

楚辭曰暉將出兮東方照吾檻兮扶桑 又天問曰角

宿未旦曜靈安藏

角東方星也曜靈日也言東方未旦之時藏其精光也

又曰

羿焉彈日烏焉解羽

又招魂曰十日並出流金鑠石

增張衡靈憲曰日宣明於晝納明於夜 又曰日者

陽精之宗積精成象象成為禽金雞火鳥也皆三足表

陽之類其數奇

王子年拾遺記云鬱華

日精又名鬱儀

奔日之仙故曰鬱儀與日同居

古今占云日月行房

三道其政太平行上道昇平行中道霸世行下道可視

瞻之短於歷舊影為行上道與歷合為行中道長於舊

歷為行下道 聞見錄云有人登泰山絕頂行四十里

東望天際已明其下尚暗久之自暗中日輪湧出正紅

色騰起數千丈至明處全無光其下亦尚暗 雜占書

曰日冠者如半暈也法當在日上有冠又有兩珥尤吉

說苑曰師曠對晉文公曰少而學者如日出之光壯

而學者如日中之光老而學者如炳燭夜行 望氣經

曰日有黃氣君喜下有黃氣君永福 鄧析書曰君者

當如冬日之陽夏日之陰萬物歸之 崔豹古今注曰

漢明帝為太子樂人作歌詩四章一曰日重光云天子之德光明太子比德焉故云重也 周髀曰日光外照徑八十一萬里 物理論曰日者太陽之精也夏則陽勝陰衰故晝長夜短冬則陰勝陽衰故晝短夜長氣引之也行陽之道長故出入卯酉之北行陰之道短故出入卯酉之南春秋陰陽等故日行中平晝夜等也 地說書曰日照地四十五萬里 汲冢書曰徹甲居於河西天有妖孽十日並出又言本有十日迭次而運照無

窮 真誥云方朱山真人皆呼日為圓羅耀 書曰乃

季秋月朔辰弗集於房瞽奏鼓嗇夫馳庶人走 原禮

記曰男教不修陽事不得謫見於天日為之食故日食

則天子素服而修六官之職蕩天下之陽事 增穀梁

傳曰天子救日置五麾陳五兵五鼓諸侯置三麾三兵

三鼓大夫擊柝凡有聲皆陽事也以厭陰氣也 漢尚

書令黃香曰日蝕皆從西月蝕皆從東無上下中央者

春秋魯桓三年日蝕貫中上下竟黑疑者以為日月正

等月何得小而見日中鄭元云月正掩日日光從四邊  
出故言從中起也 南齊書舊說曰日有五蝕謂起上  
下左右中央是也 管子曰日掌陽月掌陰星掌和陽  
為德陰為刑和為事是故聖王日蝕則脩德月食則脩  
刑彗星見則脩和 春秋正義曰日月之會自有常數  
每一百七十三日有餘日月之道一交則日月必食  
董仲舒日食祝曰炤炤大明纖滅無光奈何以陰侵陽  
以卑凌尊 決疑要註凡救日食皆著赤幘以助陽也

春秋元命苞曰麟鳳鬬日月薄蝕孔演圖曰麒麟鬬

而日無精光宋均曰麒麟少陽之精鬬作於地則日月

亦將爭於上元淮南子曰麒麟鬬而日月蝕許慎注曰

麒麟大角之獸故與日相動 晷原釋名曰晷規也如

規畫也說文曰晷日景也 增詩曰定之方中注云揆

日出入以知東西南視定北準極以正南北 又曰既

景乃岡相其陰陽

公劉傳曰考其日影是也

周禮曰日至之景尺

有五寸謂之地中凡建邦國以土圭土其地而制其域



注鄭司農云夏至日立八尺之表其景適與土圭等謂之地中今潁川陽城為然

易通卦驗

曰冬至晷長三尺

鄭玄注曰晷者所立入地表陰也三尺長之極也

春分晷長

七尺二寸四分夏至晷長尺有四寸八分秋分晷長二寸四分 又曰冬至之日樹八尺之表日中視其晷晷如度者則歲美人民和順晷不如度者則歲惡人民為偽言政令不平晷進則水晷退則旱

日二

增春秋考異郵曰黃帝將興有黃雀赤頭立於日傍黃

帝曰黃者土精赤者火榮爵者賞也余當立大功乎

異苑曰譟訾氏生而髮與足齊墮地能言及為高辛帝  
室夢日而生八子皆賢世號八元 拾遺記曰帝嚳之

妃鄒屠氏之女也常夢吞日則生一子凡經八夢則生

八子 原山海經曰東南海之水甘泉之間有羲和國

有女子曰羲和為帝俊之妻是生十日常浴日於甘泉

故日為羲和之子堯因是立羲和之官以主四時 淮

南子曰堯時十日並出草木焦枯堯命羿仰射十日其

九鳥皆死墮羽翼 增王充論衡云夏桀之時費昌之

河上見二日在東者爛爛將起在西者沉沉將滅若疾

雷之聲問於馮夷曰何為夏何為殷馮夷曰西夏東殷

於是昌徙族歸殷 呂覽曰桀為無道湯令伊尹往視

曠夏聽於末嬉末嬉言曰今者天子夢西方有日東方

有日兩日相與鬪西方日勝東方日不勝伊尹乃告湯

乃令師從東方出於國西以進未接刃而桀走 拾遺

記曰傳說賃舂於深巖夢乘雲繞日而行歲餘殷以為

阿衡 原帝王世紀曰周文王夢日月著其身 增列

子曰穆王駕八駿之乘西觀日所入處 原又曰孔子  
東遊見兩小兒辨鬪問其故一小兒曰我以日始出去  
人近日中時遠也一兒曰我以為日初出時遠而日中  
時近一兒曰日初出大如車輪及其中纔如盤盂此不  
為遠者小而近者大乎一兒曰日初出滄滄涼涼及其  
中如探湯此不為近者熱而遠者涼乎孔子不能決  
淮南子曰魯陽公與韓構難戰酣日暮援戈而揮之日

反三舍 增燕丹子曰燕太子丹質於秦王遇之無禮

急欲求歸秦王謬與誓曰使日再中天雨粟乃得歸太  
子仰天嘆之日為再中天雨粟秦王不得已遣之 戰

國策曰聶政刺韓相荊軻刺秦王並白虹貫日 三齊

略云秦始皇作石橋於海上欲過海觀日所出處有神  
人驅石下海石去不速神人鞭之皆流血今石橋猶赤  
色 望氣經曰漢文帝時日中有王字 漢武內傳

曰漢景帝夢神女捧日以授王夫人夫人吞之十四月

而生武帝 原風俗通曰漢成帝問劉向俗說文帝被

徵後期不得立日為再中向曰文帝少即位不容再中

增後漢書曰張重字仲篤明帝時舉孝廉帝曰何郡

小吏對曰臣日南吏帝曰日南郡人應向北看日對曰

臣聞鴈門不見壘鴈為門金城郡不見積金為郡臣雖

居日南未嘗向北看日 後漢后紀靈帝王美人數夢

負日而行四年生獻帝 談藪曰魏文帝為王時夢日

墜地分為三已得一分而內懷中 晉陽秋曰建武元

年三日並出 晉書王敦將舉兵內向明帝密知之乃  
乘巴滇駿馬微行至于湖陰察敦營壘而出敦正晝寢  
夢日環城驚起曰此必黃鬚鮮卑奴來也帝母荀氏燕  
代人故云 謝綽宋拾遺錄云袁愍孫世祖出為海陵  
守夢日墮身上尋而追還典機密 北史後魏遼西王  
當英夢日墮所居黃山水中村人以牛車挽致不出  
英獨抱戴而歸聞者異之 魏高后傳孝文皇后高氏  
幼夢在堂內立而日光自窓中照之灼之而熱后東西

避之光猶斜照不已如是數夕以白其父颺颺以問閔宗宗曰此異徵也後懷宣武夢為日所逐化為龍而繞后遂生世宗南史曰陳武帝嘗夢天開數丈有四人朱衣捧日而至納之帝口及覺腹內猶熱帝心獨喜

又曰陳文帝夢兩日闔一大一小大者光滅墮地色正黃其大如斗帝三分取一懷之宣室志曰楊炎未仕時夢陟高山巔仰見瑞日在咫尺舉手捧之解者曰此登相位而輔人君之祥後果叶又曰鄭光會昌六年



夢自御大車中載瑞日光燭天地自執鞭行通衢中月  
餘拜尚書淄青節度 又曰新羅每以元日拜日月為  
神 又曰天竺屬國數十有加沒路國其俗開東門以  
向日 唐書曰賈隱林扈德宗於行在至卧内奏曰臣  
嘗夢日墜以首承之帝曰非朕耶乃令糾察行在 稽  
神錄曰吳毛貞輔累為邑宰應選之廣陵夢吞日既寤  
腹猶熱以問侍御史楊廷式楊曰此夢至大非君所能  
當若以君而言當得赤烏場官也果如其言 五代史

曰契丹貴日每月朔旦東向而拜日 元史圖罕傳曰

欽察國去中國三萬餘里夏夜極短日暫沒即出 異

域志云沙弼茶國向無人至者祖葛尼曾到因立文字

其國係日西沒之地至晚日入聲若雷霆國王每於城

上聚千人吹角鳴鑼擊鼓混雜日聲不然則小兒驚死

災蝕原左傳昭公十七年六月日食祝史請用幣季

平子不許太史曰日過分而未至

注云過春分未夏至謂四月正陽月

增又莊公二十五年夏六月辛未朔日有蝕之鼓用牲

于社非常也唯正月之朔慙未作日有蝕之於是乎用幣于社伐鼓于朝 公羊傳曰六月辛未朔日有蝕之

以朱絲縈社或曰協之或曰為暗恐犯之故縈之社者土地之主日者土地之精上敷於天而犯日故朱絲縈之助陽抑陰 漢書曰哀帝元壽元年正月辛丑日有蝕之不盡如鉤與惠帝七年同月日鮑宣上言今日食於三始誠可畏懼小民正月朔日尚恐毀敗器物况日虧乎 國史纂曰唐太史李淳風校新厯太陽合朔當

食既於占不吉太宗不悅曰日或不食卿將何以自處  
曰如有不食臣請死之及朔帝候於庭謂淳風曰吾放  
汝與妻子別對以尚早一刻指表影曰至此則蝕如言  
而食不差毫髮 唐明皇時日食帝素服俟變錄囚多  
所貸遣宋璟曰月食修刑日食脩德或言分野之變冀  
有揣合臣謂君子道長小人道消止女謁放讒夫此所  
謂脩德也囹圄不擾兵甲不瀆官不苛治軍不輕進此  
所謂脩刑也陛下常以為念雖有虧食將轉而為福又

何患乎帝嘉納 宋史曰仁宗寶元元年正月丙辰朔

日食六月戊子日官楊惟德等言來歲閏十二月則庚辰歲正月朔日當食請移閏於庚辰則日食在前正月之晦帝曰閏所以正天時而授民事其可曲避乎不許又曰嘉祐六年六月壬子朔日食司天言當食六分之半食四分而雨時議稱賀同判尚書禮部司馬光上言臣愚以為日之所照周徧華夷雲之所蔽至為近狹今若太陽實虧而有浮雲翳塞雖京師不見四方必有

見者此乃天戒至深不可不察也人主尤宜側身戒懼  
憂念社稷而羣臣乃相率稱賀豈得不謂之上下相蒙  
誣罔大譴哉又所食不滿分數者厯官術數之不精當  
治其罪亦非所以為賀也 晷增正義曰周公度日景  
置五表今陽城是周公度景之處古跡猶存 漢造太  
初厯立晷儀 又續厯志云章帝晷漏與天相應 山  
海經曰交州去洛九千餘里昔主簿孫慄云立表效景  
景在表南豈古郡以日南為名者其斯義乎

日三

原麗天

出地

上詳日一出于地萬物蕃息

文子曰

合璧

連珠

漢書

曰太初歷晦朔弦望皆最密日月如合璧淮南子曰若木在建木西末有十日其華照地高誘注曰末端也

若木端有十日狀如連珠華光照其地下

兩珥

重輪

雜兵書曰日冠者如半暈也法當在

日上有冠丈有兩珥者尤吉管子曰盛魄重輪六合俱照非日月能乎

火精

陽德

范

計然曰日者火精也火者外景主晝居晝而為明處照而有光

再中

三舍

並詳

分陰

寸晷

王隱晉書曰陶侃少長勤整自強不息常語人曰大禹聖人乃惜寸

陰至于凡俗當惜分陰潘尼詩曰尺璧非易遺寸晷難可踰成名非我事所說琴與書

麟鬬

鹿解

上詳日一

淮南子曰日者陽之至是以春夏則羣獸除角禮記曰日冬至而麋角解日夏至而鹿

角

鞠陵

蒙谷

山海經曰大荒之中有山名曰鞠陵于天東極離瞽日月所出下詳日

一

高春

下枝

並詳日一

測景

步晷

周禮曰大司徒以土圭之法測

土深正日景以求地中日南則景短多暑日北則景

長多寒日東則景夕多風日西則景朝多陰陸士衡

擬連珠曰儀天步晷而脩短

建木

拒松呂氏春秋

可量臨川按水而淺深難測

南建木之下日中無影蓋天地之中也

山海經曰大

荒之中有方山上有青松名曰拒格之松日月所出入

貫白虹

夾赤鳥

漢書曰鄒陽上書說梁孝王曰昔荆軻慕燕丹之義白虹貫日太子

畏之

左傳曰哀公元年楚有

夸父棄杖

魯陽揮

雲如衆赤鳥夾日以飛三日



戈山海經曰夸父逐日渴飲河渭不足北飲大澤未至  
道渴而死棄其杖化為鄧林郭璞注曰夸父神人言

能反日景  
下詳日一  
似騏步  
類鳧飛  
王充論衡曰日晝行千  
里夜行千里騏驎晝日

亦行千里然則日行舒疾與騏驎步相類又曰  
日月一日一夜行二萬六千里與冠鳧飛相似  
長

安近  
車輪遠  
劉劭幼童傳曰晉明帝諱紹元帝太子  
也初元帝為江東都督鎮揚州時中原

喪亂有人從長安來元帝問洛下消息潛然流涕帝年  
數歲問泣故具以東渡意告之因問帝汝意謂長安何

如日遠答曰不聞人從日邊來只聞人從長安來居然  
可知元帝念之明日集羣臣宴會設以此問明帝又以

為日近元帝動容問何故異昨日之言答曰舉頭  
見日不見長安以是知近帝大悅  
下詳日一  
增

飛鷺  
浴鴉  
唐史天文志乾德三年日中有若飛  
鷺六朝詩扶桑復浴鴉日出也  
馳

暉

沉彩

謝朓詩過客無留軌馳暉有奔箭  
文選日下壁而沉彩日落也

射九

分三

俱詳二

原互照

重光

俱詳一

司景

負暄

上詳一

列子曰宋國有田夫常衣赭過冬春東作曝日於野  
美之不識廣廈綿續之屬謂其妻曰吾負日之暄以獻

吾君必獲重賞

白駒

赤羽

魏豹傳人生如白駒過隙謂日  
影也子路曰願得赤羽若日

白羽若月

戈揮

劍指

上詳一戰日欲落公以劍指日日退不落

淮南子曰虞公與夏

增無影

有字

上詳二  
下詳日二

夢捧

夾飛

魏書程昱  
少時常夢

上太山兩手捧日昱私異之以語荀彧及兗州反賴昱  
得完三城於是或以昱夢白操操曰卿當終為吾腹心

昱本名立操乃加日字於其上更名昱也  
仁傑贊曰取日虞淵洗光咸池潛授五龍夾日以飛

施光

吐氣

周髀曰日猶火月猶水火則施光水則含影淮南子曰天道曰圓地道曰方方者

主幽圓者主明明者吐氣者也是故火曰外景幽者含氣者也是故水曰內景吐氣者施含氣者化

飛

谷

經天

日所行道也飛泉之谷日行經半天逝矣經天日

龍照

雞鳴

上詳

雞日

一出即鳴天下雞皆鳴

龍駕

驥行

上詳日一下詳前似驥步

小註

流金

連璧

俱詳日一

半規

兩珥

上詳日一下詳日三

火

精

陽主

俱詳日一

赤暈

朱明

南齊天文志曰永明五年十一月丁亥日日出

三竿

黃色赤暈日名詳日一

黃道

紅輪

俱詳日一

四陸

八磚

府韻

云日行四陸春東陸夏南陸秋西陸冬北陸翰林學士李程性懶入署視日影為候日過八磚乃至

時號八  
磚學士

氣盈

朔虛

書傳曰麗天而少遲故日行一度日亦繞地一周而在天為不

及一度積三百六十五日九百四十分日之二百三十五而與天會三百六十者一歲之常數也多者為氣盈月麗天而尤遲一日常不及天十三度十九分度之七積二十九日九百四十分日之四百九十九而與日會十二會得全日三百五十四日九百四十分日之三十四十八歲有十二月月有三十日少者為朔虛合氣盈朔虛而再中無二

上詳日二天無二日

聞鐘

揣籥

蘇東坡文

集曰生而眇者不識日間之有目者或告之曰日之狀如銅槃扣槃而得其聲他日聞鐘以為日也或告之曰日之光如燭捫燭而得其形他日揣籥以為日也日之與燭籥亦遠矣而眇者不知其異以其未嘗見而求之也

人也

義和馭

鬱儀奔

俱詳日一

司徒測

宮女揆

上詳日一

唐宮中以女工揆日長短冬至後以紅線量日晷增一線之長

小兒辨

真人呼

詳上

日二下  
詳日一

窮桑邑

不夜城

上詳日一云齊有不夜城

解道康地記蓋古者有

日夜照于東境故春秋時萊子立此城以不夜為名

頽玉盤

黃綿襖

李長吉詩云東

方發紅照推捍赤玉盤

玉露曰何斯舉云正月雨雪連旬忽開霽日翁媼相賀曰黃綿襖子出矣因作詩紀

之曰日暖如著黃綿襖

吳牛苦

蜀犬吠

風俗通曰吳牛苦于日故望月而喘韓

文蜀中山高少日每日出則犬吠之又世說陳文子市行或以佞言譏之文子曰不聞蜀犬有吠日之聲乎

五色備

萬國明

上詳日一陵唐使徐鉉來朝

宋太祖時王師圍金陵盛稱其主秋月

之篇為天下傳誦太祖大笑曰寒士語吾不道也吾儻時自秦中歸醉卧田間覺而日出有句云未離海底千

山暗纔到中天萬國明鉦大驚上殿稱壽

銅鉦

金輪

蘇東坡詩云嶺上晴雲如擘絮樹頭

初日挂銅鉦

劉禹錫羅浮夜半見日詩曰陰陽迭用事乃俾夜作晨

擁出黃金輪

近人遠人

南行北行

按地居天之半地平不當天之半地上天

多地下天少是以日出日落時見日大近人也日中時見日小遠人也日初出時見日大宜暖熱而尚寒涼者陰凝而陽未盛也日中時見日小宜寒涼而反暖熱者陽盛而陰已消也申未時愈熱者陽積而盛也廣海冬熱者由冬日南行正當戴日之下故熱朔北夏寒者夏日雖北行然朔北直當陰山之背處日光斜及故寒由此觀之南北寒熱亦由於日也又日月光之所照經八十一萬里至冬日南行三萬里至夏日北行三萬里春秋東西之行亦如之日

災蝕原告凶

過分

詩云

告凶不用其行

下詳日二

不為災 非所哭

二至二分日有食之不為災日月之

行也分同道也至相過也註曰二分日夜等故日月同道二至長短極故日月相過左傳叔輒哭日食注云志在于憂災也昭子曰子叔將死非所哭也言天災常道不足憂也子叔輒字也

增伐鼓於

朝

以絲縈社

俱詳日二

景祐純陽

熙寧正旦

歸田錄宋仁宗

景祐元年四月日有食之正陽之月自古所忌按四月為純陽故謂之正陽之月宋神宗熙寧四年正旦日

食

黃琬對

淳風占

上詳日四下詳日二

晷原銅儀度日

土圭正景

張衡渾儀論曰以銅儀度之日晷可知也下詳日一

增平四氣

正兩儀

下壓坤德

上羅乾緯

范滂測景臺賦

日四

原羣陽之精

劉氏正厯云日者羣陽之精衆貴之象也

羣陽之宗

劉氏洪範傳云日者

羣陽之

陽精

范子計然云日精者太陽之精

天使

淮南子曰四時者天之吏也日月者

宗也

天之使也星辰者天之期也

離象

易曰日昃之離謹按離為日象九三處下卦之極故曰日昃之

離

幽精

陸機漏賦云測日月之幽精

君象

後漢書曰日者太陽之精人君之象神司

山海經曰渤海神蓐收居之是山也西望日之所入其氣員神紅光之所司也註曰氣員日形員故其氣象亦

員也

懸象

周易曰懸象著明莫大乎日月

著形

說苑云日月形于天

貞明

周易

曰日月之道貞明者也注云言日月以明正之道照物

繼照

周易云明兩作離大人以繼明照于四方



宿舍

說苑云宿日月棲枝見傳

傅天

後漢書云日月傅天照

月

物理論云極南為太陽極北為太陰月與星有形無光日照之乃有光

右迴

張衡靈

文耀麗乎天其動者日五星是也周旋右迴

西匿

王粲登樓賦云步棲遲以徙倚兮白日忽其西匿

五色

太玄經云盛哉日乎曷明離章五色浮光

重暉

陸機詩曰魏王禪代奄宅九圍帝在洛邑光配紫微八風應律日月重暉

宣明

詳日

隆照

尚書考靈曜云日光隆照注云隆盛也

錯行

詳日

易落

陸機感時賦云悲夫冬之為氣

亦何懔懔以蕭索夜綿邈其難終日晚晚而易落

照四極

尚書考靈曜曰日有九光光照四極

行九州

淮南子曰日行九州七舍有五億萬七千三百九里注曰自暘谷至虞淵凡十六次為九州七

舍范子計然云日行天一度環無端周而復始如環之無端色無主京房易傳曰日

者內明元黃五色無徑千里春秋元命苞云日徑千里行一度虎

通云日日行一度浴溫谷山海經云日浴溫源谷上于扶桑照秦樓

樂府歌云日出東南隅照我秦氏樓含丹暉傅玄詩云青天敷馳清暉

又樂府詩云青天含含虛所出山海經云大荒之中翠采素日馳清暉

所玄鳥攸生傅玄擬天問云景日曜靈玄鳥攸生月惟陰水白兔成形圍三千

徐整長歷云日徑千里周歲一週天左傳隱公三年二圍三十里下于天七千里月日有蝕之注曰

日行遲一歲一週天月行疾一月一週天一歲凡十二交會正陽之月君子忌之故有伐鼓用幣之事

常盛無虧

春秋元命苞云日尊故滿滿故明故精在外日滿者常盛無虧也

常滿有節

白虎通云日之為言實也常滿有節

曜靈舒光

傳玄樂府詩云太白星見飛芒曜靈照照舒光

若華何光

楚詞

生東

大明生東

在北

左傳曰在北陸而藏冰

炎精

白號

王字

日中有王字瑞

重光

詳日一

五色

瑞日

就之

堯紀就之如日

實也

說文

斯邁

詩我日斯邁

未融

明而未融

久照

周易日月得天而能久照

並明

天子與日月並明明照四海

九芒

日彩九芒

雙麗

文選日月雙麗

揭行

如揭日月

而騎走

莊子挾宇宙騎日月

桑榆

暮景

葵藿

傾心向日

寅賓

出寅餞

納日

杲杲

日出遲遲

正日

書協時月正日

祭日

王宮

出東方

出自東方 在西陸

日在西陸而出冰

萬物歸一

詳日半規隱謝靈

運遊南亭詩云密林含餘清遠峯隱半規

馮相致日

周禮馮相氏冬夏致日春秋致月以齊四

時之師尹惟日

書

王者日兄

禮王者以日為兄

天子日官

諸侯

日御 火德明輝

丙為火為日

陽精正色

日中為陽精也

可畏可愛

左傳註冬日可畏

不縮不盈

土圭測景不縮不盈

冠三光之首

日月

星為七曜之先

五星與日月也

朱炎艷於建陽

何晏景福殿賦云開建陽

則朱炎艷日

神州耀乎靈景

左太冲詠史詩皎天舒白日靈景耀神州

東方未

晞下土是冒

夕淪濛谷

朝躋嵎夷

元德動天

祥光生日 曝儒士之腹隆郝炙野人之背 增陽靈

晨光 朱炎 陽景 扶光 炎暉 朱羲 夕霏

日氣 傾羲日落藻景日光 景炎日光靈景景 皓日白晝玄

烏日素 陽旭日春 南羲日夏 靈烏名日 東旭日曉 丹曦日落瑞

景日瑞 華晷日春 熹微日欲出也 元英日冬日亦 朝暾日朝 翔

陽逸駭翔陽言日出夜也 翔陽逸駭于扶桑之津 登光辨色文選謂日光初上始辨曉色也

蒼生仰照晉書太陽下同萬物蒼生何由仰照 動法於日李德裕云人君動法于日

故出而視朝 苗訓觀日通鑑苗訓善觀天文見日下復入而燕息 有一日黑光相摩盪久之宋太

祖興 災蝕原伐鼓於社責羣陰也 天子不舉凡日食天子不舉去盛饌

諸侯用幣諸侯請救而不敢責 三辰有災日月相侵又犯

星宿故三辰皆為災 百官降物素服 慝未作正月之朔慝未作注云正陽之月慝陰氣

也 避移時君不舉避移時謂避正寢過日食時也 何損於外壤穀梁曰有食

之何也吐者外壤食者內壤注曰凡所吐出者其壤在外所吞者其壤入于內又闕然不見其壤有食之者注

曰今日闕損不知壤 日月之眚非日月之眚不鼓注云月侵日為眚陰陽

順逆聖賢所重故特鼓 君子之過如日月之食 如月之初蜀志日食黃琬曰日

食之餘如月之初 能無旱乎日食叔孫昭子曰日過分而吳入陽猶不克克必甚能無旱乎

郢乎

日食史墨曰六年及此月吳入郢乎

增陰蔽陽明

孔光傳曰陰道盛強侵蔽陽明

則日食應之又杜欽曰日食地震陽微陰盛也

臣壅君明

唐書曰日君道也無臄魄之變月臣

道也遠日益明近日益虧望與日軌相會則徙而浸遠速極又徙而近交所以注人臣之象望而正于黃道是謂臣干君明則陽斯食矣朔而正于黃道是謂臣壅君明則陽為之食矣若過而未分月或變行而避之或五星潛在日下禦侮而救之或涉交數淺或在陽厯陽盛陰微則不食或德之休明而有小眚則天為之隱雖交而不食此四者皆

應虧不虧

唐開元二年二月庚寅朔太史奏太陽應虧不

德教所由生也

虧姚崇表賀當食不食

唐開元十二年七月戊午朔於厯當食半強自交趾至朔方候

請書之史冊  
之乃不食十二月庚戌朔於厯當食大半時東封泰山還次梁宋間皇帝徹膳不舉樂不蓋素服日亦不食羣

臣與八荒君長來助祭者皆奉壽稱慶肅然臣服然後知德之動天不俟終日

晷原反景

詳日

一倒景

漢書谷永上書曰登遐倒景注曰景在日月上日月反從下照故云倒景

增土圭

致晷

周髀作則

盧肇云周公之為政也土圭致晷周髀作則

據河洛之

要創造化之工

囊括衆巧

網羅羣藝

俱范滂測景臺賦

日五

原詩魏劉楨詩曰仰觀白日光皎皎高且懸兼燭八紘

內物類無頗偏

晉張載詩曰白日隨天迴瞰瞰圓如

規踴躍湯谷中上登扶桑枝

又詩曰十日出湯谷弭



節馳萬里經天曜四海倏忽潛濛汜 晉傅玄詩曰湯

谷發清曜九日棲高枝願得並天御六龍齊玉羈 梁

李鏡遠詩曰始臨東岳觀俄升若木枝萍實詎儔彩合

扇且慙規北林耿初曜員窓鑒早曦照庭餘雪盡映簷

溜滴垂徘徊匝花樹煜爚滿春池柳陰栽靡靡簾影復

離離曾泉豈停舍桑榆忽在斯迴戈安得中長繩不可

羈沖情愛景落清宴惜光馳溫暉徒已荷深心竊自知

梁劉孝綽詠日應令詩曰弭節馳湯谷照耀出扶桑

園葵一何幸傾葉奉離光 梁簡文帝詠朝日詩曰團

團出天外煜煜上層峰光隨浪高下影逐樹輕濃 陳

徐陵日華詩曰朝暉爛曲池夕照滿西陂復有當晝景

江上鑠光儀時從高浪歇乍逐細波移一在雕梁上詎

比扶桑枝 隋康孟詠日應趙王教詩曰金烏升曉氣

玉檻漾晨曦光汎扶桑海反照若華池洛浦全開鏡衡

山半隱規相歡承愛景共惜寸陰移 唐太宗賦秋日

懸清光賜房立齡詩曰秋露凝高掌朝光上翠微參差

麗雙闕照耀滿重闌仙馭隨輪轉靈鳥帶影飛臨波無  
定彩入隙有圓暉還當葵藿志傾葉自相依 又賦得  
白日半西山詩曰紅輪不暫駐鳥飛豈復停岑霞漸漸  
落溪陰寸寸生藿葉隨光轉葵心逐照傾晚煙含樹色  
棲鳥雜流聲 虞世南奉和詠日午詩曰高天淨秋色  
長漢轉曦車玉樹陰初正桐圭影未斜翠蓋飛圓影明  
鏡發輕花再中良表瑞共仰璧暉賒 褚亮奉和詠日  
午詩曰曦車且停午浮箭未移暉日光無落照樹影正

中園草萎看稍靡葉燥望疑稀晝寢慙經笥暫解入朝  
衣 董思恭詠日詩曰滄海十枝暉玄圃重輪慶薜華  
發晨楹菱彩翻朝鏡忽遇驚風飄自有浮雲映更也人  
皆仰無待揮戈正 增李嶠詠日詩曰旦出扶桑路遙  
升若木枝雲間五色滿霞際九光披東陸蒼龍駕南郊  
赤羽馳傾心比葵藿朝夕奉堯曦 耿緯詠秋日詩曰  
照耀天山外飛鴉幾共過微紅拂秋漢片白透長波影  
促寒汀薄光殘古木多金霞與雲氣散漫復相和 白

居易詠負冬日詩曰杲杲東日出照我屋南隅負暄閉  
目坐和氣生肌膚初似飲醇醪又如蟄者蘇外融百骸  
暢中適一念無曠然忘所在心與虛空俱 柴宿初日

照華清宮詩曰靈山初照日遠近見離宮影動參差裏  
光分縹緲中鮮飈收晚翠佳氣滿晴空林潤溫泉入樓  
深複道通璇題生炯晃珠綴引臆朧鳳輦何時下朝朝  
此望同 王約賦得日暖萬年枝詩曰靄靄彤庭裏沈  
沈玉砌陞初升九華日潛暖萬年枝煦嫗光偏好青蔥

色轉宜每因韶景麗長沐惠風吹隱映當龍闕氛氲隔  
鳳池朝陽光照處惟有近臣知 獨孤鉉日南長至詩  
曰玉歷頒新律凝陰發一陽輪輝猶惜短圭影此偏長  
躔度經南斗光流盡北堂乍疑同戶耀可愛逗林黃積  
雪銷微煦初萌動早芒更升臺上望雲物已昭彰 陳  
諷賦得冬日可愛詩曰寒日臨清晝寥天一望時未消  
埋徑雪先暖讀書幃屬思光難駐舒情影若遺晉臣曾  
比德謝客昔言詩散彩寧偏照流陰信不追餘輝如可

就迴燭幸無私 鄭谷夕陽詩曰夕陽秋更好澹澹蕙  
蘭中極浦明殘雨長天急遠鴻僧窓留半榻漁舸透疎  
篷莫恨清光盡寒蟾即照空

原歌後漢李尤九曲歌曰年歲晚暮時已斜安得力士  
翻日車 晉傅玄日昇歌詠曰東光昇朝陽羲和初攬  
轡六龍並騰驤逸景何晃晃旭日照萬方皇德配天地  
神盟鑒幽荒 又三光篇曰三光垂象表天地有晷度  
聲和音響應形立影自附素日抱元烏明月懷靈兔

此詩

一作劉孝綽

增宋楊萬里義娥謠歌曰羲和夢破欲起行

紫金畢逋啼一聲聲從天上落人世千村萬落雞爭鳴  
素娥西征未歸去簌弄銀盤沆風露一丸玉彈東飛來  
打落桂枝雪毛兔誰將紅錦幕半天赤光絳氣貫山川  
須臾却駕丹砂轂推上寒空碾蒼玉詩翁已行十里強  
羲和早起道無雙

原贊晉郭璞十日贊曰十日並出草木焦枯羿乃控弦  
仰落陽烏可為洞感天人懸符



增賦唐王捧珪日賦曰杲杲太陽昇自扶桑既移晷而  
高下亦候時而短長其沒也天地為之黯色其出也遠  
近為之生光及夫春景初動寒威始歇煦百川以冰開  
煖千林而花發行乎赤道應其朱明煎綠潭而水沸爛  
青雲而火生既而暑退涼進煙歸霧返懸淨影以悠揚  
度斜暉而晚晚送秋景之已末屬冬陰之方盛融晴雪  
而曠朗爆晨霜而溫映故能明以成象高以臨空抱三  
足之靈鳥挂五彩之輕虹魯陽揮戈而三舍漢王握鏡

而再中曜凝霜而輕白帶飛霞而淡紅誰復知其動靜  
安能察其始終徒美其委質上浮流光下濟葵藿向之  
傾心旂常畫以增麗匪杖策之能及豈長繩之可繫至  
若螢火聚燃魚燭並爇明月高映繁星遠列爭散彩以  
炫晃競騰暉以昭晰見白日之一臨總光沉而影滅

鄭錫日中有王字賦曰至陽之精內含文明成命宥密  
神化陰騭倬元聖而緯天爍靈符之在日陰魄既沒大  
明在東吐象成字昭文有融法科斗以為體並跋烏以

處中馮相未覲疇人發蒙其初見也昭昭彰彰流晶耀

芒若神龍負圖兮呈八卦於羲皇其少登也發色騰光

乍見乍藏狀靈龜銜書兮錫九疇於夏王蔽虧若木隱

映扶桑瞳矐五雲之表輝煥重輪之旁臨紫宸兮千門

洞照出黃道兮八極增光豈徒色映合璧光連抱珥三

舍迴魯陽之戈再中美漢文之志日月如合璧賦闕

人姓曰萬類昭融四方清泰激朝暉之杲杲發夜色之

藹藹懸異象於人間吐榮光於天外挺連城之價誰敢

指瑕居匹夫之懷非同賈害金烏共色玉兔增鮮麗萬  
室兮瑤臺共美泛千林兮瓊樹爭妍變方流於斜漢疊  
圓影於遙天落照西流若欲抵於昧谷澄暉東上又如  
返於虞泉熒煌異質燭耀非一抱珥之彩潛消如圭之  
容闇失於以表元象明陰隲瑞至德於堯年契昌期於  
漢日懿其經紀不忒明宵有程聯彩徘徊似有求於潘  
子雙形宛轉若可賜於虞卿既同道以脗合亦相推而  
運行 柳喜日浴咸池賦曰海日赫赫出暘谷以騰輝

過咸池而浴色宛轉波動迴還影側昭晰兮泉源漸沸  
掩映兮津涯乍黑紅光下射疑萍實之欲沉赤氣上浮  
訝林雲之不息當其良夜欲闌繁星漸沒轉紅輪於沙  
礫濯朱輝於溟渤映龍川之華動照天壇而秀發遠岸  
燭耀而乍明長波盛縮而未歇觀其蕩水府滌跋烏重  
輪輝煥而增潤雙翼翩翻而盡濡勢動雲端運規規而  
未止影搖波底潛赫赫而不渝碧浪沸騰罷洗貞明之  
質洪漣瀾漫難留畏愛之輝時也天地漸分雲霞屢改

違細柳而已遠拂扶桑而猶在聊將出地辭潤澤於波  
瀾從此麗天布輝華於寰海 康僚日中鳥賦曰相彼  
鳥矣超然不同不振羽於域上自呈形於日中儀鳳肯  
慙信五色而都混高天已及豈三年之始冲懿此生成  
貫乎今昔東西必隨於運動昇降寧離於赫奕俯黃人  
而更助金光映王字而偏疑鳥跡既乃騰凌霄漢披拂  
雲霓那楚幕而堪處匪霜臺之足棲分明而不似籠中  
固非仙鶴髣髴而還如鏡裏豈是山雞曷九雛之莫對

乃三足而長在黑羽雖同於不黔白頭詎得而終待始  
來何地誰見入於重輪爰止何年孰可聞於真宰 熊  
曜琅琊臺觀日賦曰秦門之東天地一空直見曉日生  
於海中赤光浮浪如沸如鑠驚濤連山前拒後却圍觀  
上下影見寥廓焜煌天垂吞吐巨壑當其扶桑洶湧於  
雲光陽德出麗乎乾剛汗漫翕納將吞六合冲融青冥  
遙浸朱明羲和守馭夸父上征眩轉心目蒼黃性情傾  
地輿而通水府汲天蓋而駭長鯨 紇千俞登天壇山

望海日初出賦曰配乎地者惟山麗乎天者為日登峯  
堯之峻極見瞳矐之初出廓靈海百川之宗孕金烏千  
里之質泛圓光於沆瀣煥鮮耀而灩溢雖騰輝於碧浪  
之中詎侔色於紅萍之實觀夫烈霾晷赫炎精擘洪波  
歆太清馮夷駭躍罔象奔驚照耀兮驪珠潛吐矐朗兮  
龍燭忽生愕羣仙於金鏡驚天雞於玉京危岫陵乎碧  
落日域遼乎滄海既登陟以遐觀知蒙汜之浴彩晨光  
乍分夜色未改昇黃道而將始臨下土而有待晝明夕



晦徒觀其躔次之常出有入無孰測夫陰陽之宰氣澄  
霧卷月落星殘流暉電曜散彗虹攢將煥爛以下燭出  
浩淼而上干挂扶桑而杲杲昇暘谷而團團敷九華而  
艷奕燦三山之峰巒 席夔冬日可愛賦曰冬實窮節  
日為至陽節窮而栗冽凝慘陽至而焜耀舒光觀其昇  
曠朗以自東蕩沉陰於有北不赫矣以難向誠溫然而  
可即依巢之鳥感微煦而和鳴帶雪之林假餘光而改  
色彼谷隱巖居之子無衣無褐之人照臨遵夫和氣偃

曝得夫天真慘怛潛收戚戚之容咸革溫仁遠被熙熙  
之化斯淳故得廓開暄靈洞達遐徼融液永渚依稀雪  
嶠散九陌以無氛委千門以通照彼繩樞甕牖既臨砌  
而樂我無私雖熊席狐裘亦捨爐而欣夫有曜

